



PETIKAN AKHBAR

Bernama - Belanjawan 2021: Cadangan Pemimpin PH Akan Dipertimbangkan Demi Kebaikan Rakyat - Tengku Zafrul

PETIKAN AKHBAR | 01 NOVEMBER 2020



KUALA LUMPUR, 1 Nov - Cadangan yang dikemukakan oleh pemimpin Pakatan Harapan (PH) semasa sesi rundingan mengenai Belanjawan 2021 hari ini akan dipertimbangkan demi kepentingan rakyat dan negara, kata Menteri Kewangan Tengku Datuk Seri Zafrul Abdul Aziz.

Beliau berkata perbincangan selama dua jam itu memberi fokus kepada beberapa bidang utama termasuk penjagaan kesihatan, pendidikan, kesejahteraan awam, pengukuhan sektor perniagaan selain mengetengahkan enam cadangan utama.

“Saya juga berkongsi dengan mereka mengenai cabaran ekonomi yang dihadapi negara serta tindakan yang akan dilakukan Kementerian Kewangan (MOF) untuk Belanjawan 2021.

“Saya mengucapkan terima kasih kepada delegasi pemimpin PH kerana telah berkongsi pelbagai pandangan dan pengalaman mereka,” katanya di laman Facebooknya.

Delegasi pemimpin PH yang menghadiri sesi rundingan itu terdiri daripada Setiausaha Agung PKR Saifuddin Nasution Ismail, Setiausaha Agung DAP Lim Guan Eng, Presiden Parti Amanah Negara Mohamad Sabu dan sembilan wakil lain.

Terdahulu, Tengku Zafrul turut mengadakan pertemuan dengan wakil parti politik dari UMNO, PAS dan Gabungan Parti Sarawak (GPS) mengenai Belanjawan 2021, yang dijadual dibentangkan di Parlimen, Jumaat ini.

-- BERNAMA

 [Siaran Media](#)

 [Koleksi Ucapan](#)

 [Petikan Akhbar](#)

 [Foto](#)

 [Video](#)

 [Pengumuman](#)

POPULAR TAGS

- [BERNAMA](#)
- [HARGA MINYAK](#)
- [PRICE OF PETROLEUM](#)
- [TENGKU ZAFRUL](#)
- [BANTUAN PRIHATIN NASIONAL](#)
- [KWSP](#)
- [I-SINAR](#)
- [SINAR HARIAN](#)
- [JELAJAH BELANJAWAN 2021](#)
- [PRIHATIN MOF](#)
- [PERMAI](#)
- [BERITA HARIAN](#)